

Kantonalna javna ustanova "Dom za socijalno zdravstveno zbrinjavanje osoba sa invaliditetom i drugih osoba" sa sjedištem u Sarajevu, ulica Nahorevska 195, koju zastupa v.d.direktor Husnija Ovčina, Mr.politologije / u daljem tekstu: **Osiguranik** /

i
„Euroherc osiguranje“ d.d. - Podružnica Sarajevo, ulica Trg Međunarodnog prijateljstva broj 20.,kojeg zastupa direktor Podružnice Sarajevo Redžić Almad, /u daljem tekstu: **Osiguravatelj** /

Na osnovu Odluke o izboru najpovoljnijeg ponuđača broj 27-1715-3/20 od 29.09.2020.godine, a nakon provedenog postupka nabavke po direktnom sporazumu ugovorne strane zaključuju:

UGOVOR O PRUŽANJU USLUGA OSIGURANJA Radnika i imovine

Predmet ugovora

Član 1.

Predmet ovog Ugovora je pružanje usluga osiguranja radnika i imovine KJU „Dom za socijalno zdravstveno zbrinjavanje osoba sa invaliditetom i drugih osoba“ u skladu sa prihvaćenom ponudom osiguravatelja broj: 208333193 od 28.09.2020.godine.

Ugovor se zaključuje na osnovu provedenog postupka javne nabavke putem direktnog sporazuma broj 27-1715/20 od 24.09.2020.godine.

Ponuda Osiguravatelja čini sastavni dio ovog ugovora.

Cijena

Član 2.

Ukupna vrijednost ovog ugovora iznosi: **5.995,82 KM**

Premija osiguranja

Član 3.

Premija osiguranja iz ponude je nepromjenjiva i obuhvata sve troškove i izdatke Osiguravatelja u vezi sa izvršenjem usluge.

Osiguranik se obavezuje platiti premiju osiguranja prema potpisanim i ispostavljenim policama po vrstama osiguranja koja su predmet ovog Ugovora.

Plaćanje premije osiguranja

Član 4.

Plaćanje premije osiguranja vršit će se mjesečno u roku od 30 dana od ispostavljanja ispravne fakture Osiguravatelja.

Osiguravatelj je saglasan da osiguraniku neće zaračunavati zatezne kamate za zakašnjenje pri plaćanju preko „Trezora“ ako je osiguranik u ugovorenom roku predao nalog za plaćanje.

Prijava šteta

Član 5.

Kada nastane osigurani slučaj na osnovu koga se traži naknada iz osiguranja, Osiguranik je dužan postupiti prema Općima uslovima osiguranja i ponudom broj 208333193 od 28.09.2020.godine.

Rješavanje šteta

Član 6.

Osiguravatelj je obavezan isplatiti naknadu iz osiguranja za štete prouzrokovane nastankom slučaja po odredbama Općih uslova osiguranja.

Isplata naknade

Član 7.

Kada se dogodi osigurani slučaj, Osiguravatelj je dužan isplatiti naknadu u ugovorenom roku koji ne može biti duži od 30 (trideset) dana, računajući od dana kompletiranja dokumentacije odštetnog zahtjeva.

Ako iznos osiguravaočeve obaveze ne bude utvrđen u roku određenom u prvom stavu ovog člana Osiguravatelj je dužan, na zahtjev ovlaštene osobe Osiguranika isplatiti iznos nespornog dijela svoje obaveze.

Član 8.

Uslovi osiguranja po kojima je zaključen ovaj ugovor bit će sastavni dio ugovora.

Raskid ugovora

Član 9.

Osiguranik može raskinuti ugovor jednostrano ako osiguravatelj bude kontinuirano kasnio u izvršenju usluga i ako osiguravatelj bude jednostrano mijenjao ponuđene cijene u toku trajanja osiguranja.

Član 10.

Osiguravatelj može raskinuti ovaj ugovor u slučaju da osiguranik ne bude blagovremeno izvršavao svoje obaveze plaćanja po ispostavljenim fakturama Osiguravatelja

Trajanje ugovora

Član 11.

Ugovor se zaključuje na određeno vrijeme u trajanju od 1 (jedne) godine dana od dana obostranog potpisivanja ugovora.

Član 12.

Ovaj ugovor stupa na snagu danom njegovog potpisivanja i ovjere od strane ovlaštenih predstavnika ugovornih strana.

Ukoliko ugovorne strane ne stave istovremeno svoj potpis, ugovor stupa na snagu danom posljednjeg potpisa.

Završne odredbe

Član 13.

Za sve odnose i institute koji nisu utvrđeni ovim Ugovorom a proisteknu iz njegove realizacije primjenjivat će se odgovarajuće odredbe Zakona o obligacionim odnosima.

U slučaju spora po ovom ugovoru nadležan je Općinski sud u Sarajevu.

Član 14

Ugovor je sačinjen u četiri /4/ istovjetna primjerka od kojih svaka ugovorna strana zadržava po dva /2/ za svoje potrebe.

Za osiguranika:

 Husnija Ovcina, mr.pontologije - V.direktor



Broj: 27-1715-4/20
Datum: 30.09.2020.godine

Za osiguravatelja:

Redžić Almad - direktor Podružnice Sarajevo



Broj: 208333228
Datum: 01.10.2020.